

**Scalibor Protector Band, 0,760 g, ovratnik za male i pse srednje veličine**  
*(za primjenu na životinjama)*

Proizvođač: Intervet International b.v.

Adresa: Boxmeer, Holandija

Podnosilac zahteva: Predstavništvo Intervet International za BiH

Adresa: Tešanjaska 24 A, Sarajevo

## IME LIJEKA

**Scalibor Protector Band, 0,760 g, ovratnik za male i pse srednje veličine**

## KVALITATIVNI I KVANTITATIVNI SASTAV

Okovratnik od g ( 48 cm) sadrži:

Aktivna tvar/tvari:

Deltametrin . . . . . 0,760 g.

**Pomoćne tvari:**

Titanijev dioksid (E171) ..... ..0,285 g

## INDIKACIJE

Suzbijanje i spriječavanje infestacije krpeljima (*Ixodes ricinus* i *Rhipicephalus sanguineus*) tokom 6 mjeseci.

Suzbijanje i spriječavanje infestacije buhama (*Ctenocephalides spp.*) tokom 4 mjeseca.

Repelentni "anti-feeding" efekt na odrasle komarce do 6 mjeseci.

Repelentni "anti-feeding" efekt (sprečavanje hranjenja) na flebotomne mušice („pješčana mušica – *Phlebotomus perniciosus*) tokom 12 mjeseci. Usljed repelentnog efekta, ogrlica se može koristiti i za smanjenje rizika od pojave lajšmanioze (uzročnik *L. infantum*). Ipak, prijenos lajšmanioze od strane „pješčane mušice“ ne može se u potpunosti isključiti, a ovisi od niza faktora vezanih za uslove okoliša.

Ogrlica se može koristiti samo na životinjama starijim od 7 nedjelja.

**Ogrlica koja se koristi mora biti prilagođena težini životinje.**

## KONTRAINDIKACIJE

- Ne koristiti kod životinja kod kojih je poznata osjetljivost na piretroide.  
Ne koristiti kod velikih pasa.
- Ne koristiti kod pasa sa ekstenzivnim ozljedama kože.
- Ne koristiti kod kućica mlađih od 7 nedjelja.
- Ne koristiti na mačkama. Deltametrin je toksičan za mačke.  
Ne koristiti s drugim ektoparaziticima koji sadrže organofosfate.

## **CILJNE VRSTE**

Psi (mali psi i psi srednje veličine)

## **NEŽELJENE REAKCIJE**

U rijetkim slučajevima opažene su lokalne kožne reakcije u predjelu vrata (svrbež, eritem, depilacija), koje mogu ukazivati na lokalnu ili sistemsku reakciju preosjetljivosti.

U vrlo rijetkim slučajevima javljaju se i poremećaji ponašanja (npr. letargija ili hiperaktivnost) koji su često povezani sa iritacijom kože.

U vrlo rijetkim prilikama primjećuju se gastrointestinalni simptomi kao što su povraćanje, dijareja i hipersalivacija.

U vrlo rijetkim slučajevima primjećuju se neurološki problemi kao što je ataksija i mišićni tremor. Simptomi se obično povuku u roku od 48 sati nakon skidanja okovratnika.

Ako se pojavi bilo koji od navedenih simptoma, okovratnik treba skinuti. Liječenje treba biti simptomatsko, jer ne postoji poznati specifični antidot.

U slučaju pojave ozbiljnih neželjenih reakcija ili nekih drugih neželjenih reakcija koje nisu naglašene na ovom uputstvu veterinar mora biti informirana i postupiti u skladu s odredbama člana 26. Zakona o lijekovima koji se upotrebljavaju u veterinarstvu („Službene novine Federacije BiH” br. 15/98 i 70/08).

## **DOZIRANJE I NAČIN PRIMENE**

Izričito za vanjsku upotrebu. Postavlja se na vrat psa. Jedan okovratnik dužine 48 cm koristi se samo na malim psima i psima srednje veličine.

## **KARENCA**

Nije primjenjivo.

## **ČUVANJE LIJEKA**

Lijek se skladišti na temperature do 25°C.

## **POSEBNA UPOZORENJA**

Ovratnik iskazuje puni učinak nakon 7 dana, zbog toga ga je najbolje prijemiti 7 dana prije eventualne izloženosti infestaciji.

Kako bi se zadržala potpuna zaštita od krpelja i buha, papatača i komaraca, savjetuje se zamjeniti ovratnik nakon četiri mjeseca (ili nakon perioda odrastanja životinje/izmjene tjelesne mase) pri čemu treba ovratnik neprestano upotrebljavati u periodu od aprila do oktobra.

Budući da ovratnik nema klasično djelovanje repelenta, moguće je primjetiti krpelje nakon primjene ovratnika. Stoga se prijenos zaraznih bolesti koje prenose ektoparaziti ne može u potpunosti isključiti.

Paraziti će uginuti kada budu izloženi dovoljnoj količini djelatne tvari, što se postiže tokom njihovog kretanja po životinji, nakon koje slijedi paraliza i smrt parazita. Stoga nije uobičajeno da krpelji dosegnu fazu kada se nasisaju krvi.

Mjesta na kojim psi leže i njihovoj okolini treba tretirati odgovarajućim insekticidom, te redovno čistiti, da bi se poboljšao učinak ovratnika.

### **POSEBNA MJERE OPREZA**

Prati ruke sapunom i hladnom vodom nakon manipulacije kolarom.

Ne dozvoliti djeci mlađoj od 2 godine da diraju, igraju se i stavljaju u usta ogrlicu.

Ne koristiti istovremeno s drugim ektoparaziticima koji sadržavaju organofosfate.

U slučaju da pas pojede ogrlicu, može doći do sljedećih simptoma: hipersalivacija, tremor, nekoordinisani pokreti, povraćanje. Ovi simptomi obično nestaju za 48 sati.

Kao antidot može se koristiti dijazepam.

Deltametrin je štetan za ribe, druge vodene životinje i pčele.

### **POSEBNE MJERE PREDOSTROŽNOSTI ZA UPOTREBU**

#### **Posebne mjere predostrožnosti za upotrebu kod životinja**

U slučaju lezija na koži, skinite okovratnik dok simptomi ne prođu.

#### **Posebne mjere predostrožnosti koje treba preduzeti lice koje daje veterinarsko-medicinski proizvod životinjama**

Prilikom odabira ovratnika voditi računa o tjelesnoj masi psa, zbog mogućih štetnih učinaka (svrbež, alergijska reakcija usljed više koncentracije djelatne tvari) ili pojave nedjelotvornosti (nedogovarajuća, odnosno niža koncentracija djelatne tvari).

Slučajno gutanje ovog proizvoda može izazvati štetno djelovanje, uključujući neurotoksičnost.

Proizvod treba čuvati u originalnom pakovanju. Proizvod treba čuvati u vrećici do trenutka upotrebe. Nemojte pušiti, piti ili jesti dok rukujete okovratnikom. Ne dopuštajte da se djeca igraju sa okovratnikom ili da ga stavljaju u usta. Odmah uklonite sve zaostale ili izrezane dijelove sa ogrlice. Ruke operite u hladnoj vodi nakon što svom ljubimcu stavite okovratnik.

Izbjegavati duži kontakt sa okovratnikom ili psom koji ga nosi. To podrazumijeva i dijeljenje kreveta sa psima koji nose okovratnik-to je posebno važno u slučaju djece.

U slučaju oralnog izlaganja ili slučajnog gutanja, odmah potražiti ljebarsku pomoć i ljekaru pokazati etiketu.

Deltametrin može izazvati (alergijske) reakcije preosjetljivosti kod osjetljivih osoba. Osobe sa poznatom preosjetljivošću na deltametrin trebaju izbjegavati kontakt sa ovim veterinarskim lijekom i liječenom životinjom. U slučaju reakcija preosjetljivosti obratiti se ljekaru.

#### **Ostale mjere predostrožnosti**

Deltametrin je toksičan za vodene organizme. Psi koji nose okovratnik ne smiju ulaziti u vodene tokove. Prije kupanja u otvorenim vodotokovima potrebno je ogrlicu skinuti.

## **POSEBNE MJERE UNIŠTAVANJA NEUPOTREBLJENOG LIJEKA ILI OSTATKA LIJEKA**

S neiskorištenim pripravkom i praznom ambalažom postupa se u skladu sa Zakonom o upravljanju otpadom (Sl.novine FBiH broj 33/03). Ne smije se bacati u vodotokove ili kućni otpad.

## **BROJ I DATUM ODOBRENJA**

UP-I-06-2-20/21 – 435/24 J.B; od 14. maja 2024. godine

## **OSTALI PODACI**

**Pakovanje:** Kutija sa 6 ogrlica dužine 48 cm.

**Rok upotrebe:** 3 godine.

**Način izdavanja:** Bez veterinarskog recepta.

**ATCvet kod:** QP53AC11

## **NAZIV I ADRESA PROIZVOĐAČA**

MSD A.H / Intervet International b.v; Boxmeer, Holandija

## **NAZIV I ADRESA NOSIOCA DOZVOLE ZA STAVLJANJE LIJEKA U PROMET**

Predstavništvo Intervet International za BiH, Tešanjaska 24 A, Sarajevo, Bosna i Hercegovina